

PRICE, THOMAS (1820 - 1888), gweinidog gyda'r Bedyddwyr

Enw: Thomas Price
Dyddiad geni: 1820
Dyddiad marw: 1888
Priod: Ann Price (née David)
Rhiant: Mary Price
Rhiant: John Price
Rhyw: Gwryw
Galwedigaeth: gweinidog gyda'r Bedyddwyr
Maes gweithgaredd: Crefydd
Awdur: Watkin William Price

Ganwyd 17 Ebrill, yn fab i John a Mary Price, Maesycwper, Ysgethrog, plwyf Llanhamlach, sir Frycheiniog. Dechreuodd weithio yn ieuanc iawn, ar y cyntaf ar fferm ac wedyn fel gwas bach teuluol i deulu Clifton, T Mawr, Llanfrynach; y merched Clifton a ddysgodd Saesneg iddo. Gydag arian a gynlodd o'i enillion fe'i prentisiodd ei hun i Thomas Watkins, Struet, Aberhonddu, paentiwr, gwydrwr, etc. Eglwyswyr oedd ei rieni, eithr ymunodd Thomas â'r Bedyddwyr yn Aberhonddu. Wedi iddo fwrw ei brentisiaeth cerddodd yr holl ffordd i Lundain lle y bu'n gweithio am bedair blynedd a pharhau ar yr un pryd i dderbyn addysg mewn Mechanics' Institute. Aeth i goleg y Bedyddwyr, Pontyp I, yn 1842, a bu yno am dair blynedd a hanner o dan y pennaeth [Thomas Thomas](#). Yn niwedd 1845 aeth i fugeilio'r Bedyddwyr a oedd yn cyfarfod yn Carmel, Monk Street ('Capel Penpound'), Aberdâr, cafodd ei ordeinio 1 Ionawr 1846, a bu yno, ei unig ofalaeth, hyd ei farwolaeth ar 29 Chwefror 1888. Trwy ei ynni a'i fedr fel trefnydd llwyddodd Price i beri cynnydd mawr yn nifer Bedyddwyr y cwm trwy agor ysgolion Sul ac yna adeiladu capeli. Symudodd ei eglwys i gapel newydd, sef Calfaria. Daeth yntau'n adnabyddus iawn fel pregethwr a darlithydd. Cafodd Ph.D. gan Brifysgol Leipzig; ac yn 1865 ef oedd llywydd cymanfa Bedyddwyr Cymru. Cyhoeddodd lyfrau ateb i *Bapto a Baptiso* (William Edwards), *Jiwbili Eglwys Calfaria, Aberdar*, 1862, a *Trem*, 1885-6. Bu'n fwy adnabyddus fyth fel golygydd *Y Gwron*, 1855-60, *Y Gweithiwr*, 1859-60, a *Seren Cymru*, 1860-76; bu hefyd yn golygu *Y Medelwr Ieuanc* a *Y Gwyllydydd*. Gwnaeth waith mawr gyda sefydlu cymdeithasau cyfeillgar - yn enwedig 'Yr Odyddion' a'r 'Iforiaid.' Cymerth ran flaenllaw mewn gwleidyddiaeth ac addysg (e.e. bu'n croesi cleddyfau â [John Griffith](#), ficer Aberdâr, adeg cyhoeddi adroddiadau 1846-7 ar gyflwr addysg yng Nghymru). Bu'n ddiwyd gyda mudiadau a sefydliadau lleol; ef oedd ysgrifennydd cyntaf yr 'Aberdare British School Committee' a agorodd yr Ysgol Frutanaidd gyntaf yn nyffryn Aberdâr, sef y 'Park School' ('Ysgol y Comin'). Priododd, 16 Mawrth 1847, Mrs. Ann Gilbert (a fu farw 1 Medi 1849), merch ieuengaf Thomas David, Abernant-y-groes, Cwmbach, a bu iddynt fab a merch.

Awdur

Watkin William Price, (1873 - 1967)

Ffynonellau

Benjamin Evans ('Telynfab'), *Bywgraffiad y diweddar Barchedig T. Price, Aberdâr* (Aberdâr 1891)

Canmlwyddiant Eglwys Calfaria, Aberdâr, 1812-1912 (Aberdâr 1912)

Ben Morus, *Enwogion Aberdâr* (1910)

Y Geninen, 1888, 167, 173

ibid., 1906

T. R. Roberts, *Eminent Welshmen: a short biographical dictionary of Welshmen... from the earliest times to the present* (1908)

Baptist Handbook, 1889

Dyddiadur a Llawlyfr Undeb Bedyddwyr Cymru a Mynwy, 1889

Y Gwron, 14 Awst a 4 Medi 1858, 14 Gorffennaf 1859

Western Mail, 7 Mawrth 1888

South Wales News, 2 Mehefin 1928

Y Gweithiwr Cymreig, 8 Mawrth 1888

Aberdare Leader, 3 Chwefror, 1940

Archifau LIGC: [NLW MS 7177D: Autograph letters](#)

Darllen Pellach

Erthygl Wicipedia: [Thomas Price \(Calfaria, Aberdâr\)](#)

Dolenni Ychwanegol

VIAF: [152863637](#)

Wikidata: [Q17014441](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

